

許縣志卷之八

祠祀志

壇壝 祠廟 寺觀 庵閣附 陵墓 漏澤園義塚附

以上分上下二卷

王者之治天下明則有禮樂幽則有鬼神二者  
蓋兼舉云若壇壝若祠廟凡以報本反始也推  
之寺觀陵墓亦其例也而庵閣漏澤園義塚則  
附之抑亦建置類也其不入建置何也人鬼之  
趨異佛老之教殊敬而遠之是以區之也漢書

祥符縣志 卷八 祠祀 壇壝

云梁魏之地好祭祀用史巫豈謂是與爰合志

祠祀

壇壝

社稷壇舊在南薰門外明洪武十四年改置周王  
府端禮門外明季河水圯 國朝改置城南  
見禮樂志

先農壇在城東南禹王臺前 國朝雍正四年

詳見禮樂志

風雲雷雨山川壇舊在南薰門外明洪武十四

祠舊址明永樂五年建嘉靖三十三年周府  
國將軍朱某重修明季河水圯

明曹汴修文昌祠碑記云梓潼祠祀文昌帝君  
也由來久矣帝君何祀乎余聞之上古黃帝時  
命南北二正典司天地羣后裴常生斯際者善  
善惡惡福禍無爽何其明也大道既隱淳氣日  
漓人同魍魎心如梟獍善惡淆亂福禍舛忒孔  
子曰斯民也三代之所以直道而行也蓋有憂  
焉因以傷夫世之不古也於是不得已懸諸天

祥符縣志

卷八

祠祀  
祠廟

三

道曰天道作善降祥作不善降殃又不得已懸  
諸神教曰鬼神福善禍淫夫聖人豈不知天道  
遠而顧又語神哉言天示人以理所必有言神  
示人以機所必致報應之說彰如也文昌帝君  
者其世代歷履真畱秘錄得而紀之余所弗論  
嘗觀所著寶經一篇及近傳冲一真君嗣祿  
談大都多規戒世訓導勸愚俗忠孝陰德等語  
至于有所輒應無禱不靈吉凶之報捷于  
意其神速時所謂聰明正直而壹者也嗟乎

與余遊雅以文相切劇命之記  
之如左

康熙三十八年居民掘廟址得碑雍正三年邑  
紳王符震王柏齡里長趙珣李天馥等建大殿  
三楹十一年總督王士俊脩

王士俊修文昌祠碑記云凡郡之東南於卦位  
為巽術家為主文章科第大離為文明之象不  
於正南而於東南者蓋取巽之木生離之火也  
文昌司命者係斗魁戴筐六星四曰司命主賞

祥符縣志

卷八 祠祀

五

而進德故今士子進取祀之考黃帝占曰文昌  
官者天府之離宮則固以離屬文明今巽方祀  
之得相生之義宜祀之久而不替矣汴城桂香  
文昌祠在郡東南隅正係巽位昉于北宋毗連  
太學舊址明永樂五年改徙學宮而祠留不遷  
後漸圯嘉靖三十二年周藩修之書汴為作碑  
紀其事至崇貞十五年湮於黃水

朝康熙三十八年民掘地得碑紳士遂謀脩之鳩工  
丁雍正三年三月十五日落成于是年十一月

十四日舊碑復立至十一年余奉

命總督東在謁祠更解俸爲置門樓以奉魁  
祠遂完整紳士另置貞石而乞文于余余于是  
祠之疊興疊廢而不禁喟然有感也夫是祠始  
于北宋太學其時宋建都于汴太學人才最盛  
稽其遺制學置八十齋齋容三十人外舍生二  
千人升內舍內舍生三百人升上舍上舍生百  
人賜出身則是祠之衣冠肅穆廟貌巍峩瞻拜  
絡繹一時極盛可想而知也乃星移物換一委

祥符縣志

卷八

祠祀  
祠廟

六

于榛莽而故明中葉修之再淪于波臣而今日  
紳士脩之豈盛衰之理往復之機夫固有數存  
其間歟抑恭遇

郵隆之會光昌之運司命亦思有以自見歟且地固  
有靈異之大象君子以申命行事實有相繼而  
興之義歟則今紳士之感激而興誠敬而奉祠  
動于不能自己者矣雖然使紳士以爲乞靈司  
命弋取華臚斯乃庸兒鄙夫之見甚有所不可  
也蓋司命垂象乃天之星宿耳後人

實之如星有傳說卽以殷代傳說當之  
之類也顧旣以有神自能錫福然詩獨歌之曰  
張仲孝友不頌神之文章而頌神之孝友誠以  
孝弟者文章之根柢所謂文章莫大乎是是神  
之垂鑒可知倘紳士不能首敦品行次重詞華  
則舉不潔之躬日深拜跽神將赫然示之罰也  
敢希福乎所以巽卦九二云用史巫紛若吉无  
咎夫史巫紛若卽今祭祀之象也惟九二有剛  
中之德神其享之所以吉而无咎不然上九失

祥符縣志

卷八

祠祀  
祠廟

七

中同一巽在牀下卽不免于喪其資斧而爲貞  
凶可不慎歟至此祠重葺于雍正丁未之歲又  
合巽卦九五先庚三日之義蓋先庚三日丁也  
朱子謂丁寧于其初而爻辭謂无初有終占謂  
貞吉悔亡无不利然則以營造之年推之益合  
于吉占符于方位應于文明紳士固宜砥礪筋  
躬以懋承神庥矣遂爲文以紀之若舊碑所云  
以爲神亦不幸而不生于上古之世而生于溷  
濁之世貪天之功以爲己力其說誣慢不根何

是以文麗性之珉也是爲記

附王士俊文昌祠惜字文云津城桂香祠文昌  
閣其原最古余旣爲文誌之於石又敬念帝君  
垂諭世人惜字而人多不能恪遵寶訓也因復  
爲之推廣曰夫字之爲用猶人之有口腹而必  
資飲食有身體而必資衣服也飲食衣服之用  
久知其甚切於人而愛之重之顧字獨不知愛  
之重之乎人有棄擲飲食裂毀衣服見者必咨  
嗟驚歎而憮其後之不繼也顧見字紙之棄擲

祥符縣志

卷八

祠祀  
祠廟

八

裂毀獨不知咨嗟驚嘆而委之已乎且夫字紙  
之貴人視之爲布帛菽粟天視之爲奇珍異寶  
也故乾出天苞坤流地符造字之初天雨粟鬼  
夜哭龍潛藏蓋洩兩間之秘奧開天下之文明  
澹人心之智巧爲功最普爲效最神天固有所  
甚不得已而仁愛下民又不惜罄以予之也今  
世有甚寶貴之物過於球琳琅玕珍珠木難瑟  
瑟諸品我不自恡惜而舉以予人而人之愛之  
者弗加珍惜視猶草芥夷諸泥塗如已冠之

星祭畢之芻狗我見之黜之有不忿然怒怒  
傷者乎以人情揆天意而知不惜字紙者不  
於天之怒且傷也爲天所怒且傷之人偶免於  
雷霆之斧牛鬼猛蛇之口純火純鐵純石之地  
獄亦已倖矣又安望富貴福澤康寧壽考世  
子孫能讀書擧科第耶是以帝君諄諄垂諭蓋  
仰體上天好生之心俯憫愚民罹罪之苦且曰  
罹罪之苦如是反是而能敬惜焉則所以受福  
於天者亦屬無量恒河沙數也余故就桂香祠

祥符縣志

卷八

祠祀  
祠廟

九

偕藩臬監司諸君立一惜字會現捐俸日購買  
廢字計百觔給紋銀五錢聚而焚之送其灰燼  
於大河之中先行廓清之策再行持久之策撥  
官田一項每年租銀三十六兩交藩庫轉給僧  
人專司收字之役遴紳士二人董其事月月焚  
送豈以希福哉揆之於理亦應如是也於戲不  
能惜字士大夫之罪較愚民而更甚矣士大夫  
置身青雲承前啟後獲上安民建功樹業惟  
最下筆耕以資府印道皆由此哉

力日賴其養而又狼籍芟毀之乎且亦知其貴矣而又視爲草菅塵塊乎律以天誅之條必曰爾固爲識寶之波斯胡凡球琳琅玕珍珠木難瑟瑟諸品無弗精辨其良窳真贗而况貴於是者我以予汝汝又利之汝又棄之乎律以加等諒非深文也若夫眈隸賤夫婦女孺孩不知惜字或借爲糊窻壁夾針線作包裹種種隨手散擲任足踐踏等類士大夫切須代爲收拾寧量爲給資相易并詳勸切戒功德無量也更

祥符縣志

卷八

祠祀  
祠廟

十

一種奸商黠賈將廢紙廣收浸泡以水俟其透入爛化暴之烈日加以錘煉如鞞鞋紙底多藉爲用名曰還魂紙此真堪髮指痛恨爲利幾何忍蹈大戾司土君子宜嚴察痛懲之予耳聞目見此等頑惡曾有各受雷霆之斧者嗚呼天恐雷部不勝誅也則牛鬼猛蛇之口純火純鍊純石之地獄其留而待焉直旦暮間事耳寧不懼哉又有官署之中兩廊胥吏率將廢棄案卷檄移告示文書等類散棄滿地任其沍爛霉腐



或濫爲焚歟之焯塞向之塊昔人謂浪擲字紙  
在衙署斯言信不誣也所恃官長諄諭切懲  
有艾乎蓋士大夫有督察勸化之責律以天  
深之條必曰爾固爲識寶之波斯胡凡球琳琅  
玕珍珠木難瑟瑟諸品彼盲於目者未之知也  
爾可不一爲指點任其顛越受戾耶故人爲無  
與於我遂爾視之夷然吾恐天網恢恢疎而不  
漏未必竟從未滅絕不連坐耳余因推廣帝君  
寶訓以明會之所由立者如此嗟乎河圖洛書

祥符縣志

卷八

祠祀  
祠廟

七

丹文綠字庖羲畫卦之壇史皇造字之臺文字  
權輿俱在汴洛履斯土者宜何如愛護矜惜歎  
聖人神人臨之在上質之在旁也雖然豈獨河  
南一省事耶此會之所及者僅區區省城偏隅  
耳四國樂善之士不以余言爲河漢尙共勉之  
三聖廟在宣平坊弘治七年建萬歷五年侍郎曹  
金修明季河水圯今在棚場街新建

王母娘娘廟在南薰門外 國朝順治十二年建

康熙三十二年修

河迴龍廟在縣城東北五里供土府至尊  
九皇高皇大帝金龍四大王靈佑襄濟黃大王  
及各河神名臣等神明正統十一年建嗣後屢  
修 國朝康熙三十年巡撫閩與邦重修

閩興邦修鎮河廟碑記云出戈梁之安遠門東  
北隅四里許有回龍廟面城背河委在黃沙草  
草間郡縣志所不載亦無碑碣可考詢之土人  
曰以祀河神者相傳蓋久今則殘垣敗宇爲盲  
風苦雨所侵蝕岌岌欲傾且河環坎方而廟乃

祥符縣志

卷八

祠祀  
祠廟

十三

離嚮譬之南轅而北轍其不足以邀神之祐也  
明甚廟後有鐵犀爭獍蹲踞半出土上背鑿銘  
詞凡二十二句古雅蒼健係正統十一年丙寅  
五月巡撫于忠肅所鑄以鎮水者其詞有曰安  
若泰山固若磐石水怪潛形馮夷斂迹城府堅  
完民無墊溺雨順風調男耕女織卽此數言觀  
之則公之爲大梁計安全者可謂防之周而慮  
之密矣公撫豫前後一十八年歷時四十餘載  
畫勸平糶以備飢荒止牧馬以緩關

以厲清風又因河決侵汴堤甚急親臨其地解  
衣塞之復籲天願以身代而水果退大梁民祀  
之以報德今廟雖飄搖頽敝惟此鐵犀巋然如  
故當闖賊之圍大梁也會用萬夫移犀千鎚百  
煨聲聞十里浹旬不能損其全軀僅于左脇少  
穿一穴于午歲遂埋沒土中後人剝地而得之  
視其銘詞隱隱隆起若商周鼎彝銀鈎無損可  
謂有神物焉爲之呵護矣予撫豫三載往來河  
上享安瀾之福覩此廟宇嚮南孤峙失其方位  
因捐俸畀開封同知王永羲爲之改作正厥形  
勢面對大河爲垣爲門爲堂爲廡各盡其制又  
爲亭一楹置鐵犀于中夫

祥符縣志

卷八

祠祀

三

聖人在上百靈効順雖不必求之于冥漠然衆水清  
而河獨濁濁則易淤衆水直而河獨曲曲則易  
齧衆水柔而河則剛衆水平而河則險剛者潰  
岸險者崩沙與其極人力以救之于已然不如  
藉神力以制之于未然且鐵犀有二義焉鐵者  
金也爲水之母子不敬與毋聞故蛟龍咸畏之

犀卽牛也牛屬坤爲土性能尅水昔李冰治蜀江亦作犀以鎮之而勒銘其上于公之爲此善倣古人之遺意云故余今日幸叨神庇葺其廟貌復立鐵犀欲吾民世世奠安之也

金龍四大王廟舊二一在縣治南一在大梁門外明季河水圮新四一在朱源寨一在周橋街一在徐府街俱失考創建一在布政司署西明崇貞十四年建 國朝康熙二十七年河道祖文明修雍正四年巡撫石文焯重修十三年

祥符縣志

卷八

祠祀 祠廟

四

御賜安流應瑞匾額總督王士俊重修

金龍四大王傳詳見藝文志

濟瀆廟在城隍廟西明周定王朱橚建失考年明

季河水圮 國朝康熙四年修

龍神廟在縣治西 國朝雍正五年由 京師塑

像遣官迎祀

火神廟有四一舊在鼓樓東明季河水圮 國朝

改建仁和門內一在南薰門一在縣治西南隅

一在城西南百墳俱失考勦建

官廟有四一在城北門街 國朝順治十年

康熙十一年修一在蕭牆街康熙九年建

在新貢院前康熙八年建一在城西關明宣德

二年建正統四年修此於永成化八年修

泰山廟有五一在縣治前一在縣西明崇貞五年

年建 國朝順治十四年修正三年重修一

在蕭牆街順治元年建正三年修一在城

門大街順治七年建雍正六年修一在城南大

高廟宏治八年建正德四年修康熙五年重修

符縣志

卷八

祠祀

七

乾隆三年重修一在朱仙鎮久圯隆慶四年修

元壇廟在城南朱仙鎮失考初建 國朝康熙五

十一年修

閻王廟在城東南中堤失考初建 國朝順治十

一年修

老君廟在宋門南失考初建 國朝康熙二十

年修

八蜡廟在縣治西明嘉靖八年建高宗

明季河水圯 國朝乾隆三年

修

尹會一重修八蜡廟碑記云八蜡之祭始於伊  
耆氏其典制廢而聞矣周禮籥章迎寒暑則  
吹豳風祈年則吹豳雅祭蜡則吹豳頌說者曰  
豳風七月也豳雅楚茨以下四篇是也豳頌載  
芟良耜是也歲云暮矣答神功擊土鼓飲椒馨  
之酒解挾豕之牛沐浴膏澤歌詠勞苦無非達  
萬物之情而厚其報後之人頌其詩觀其禮豈  
惟見成周之美盛由三代以邇陶唐休風伊可

祥符縣志

卷八

祠祀

五

懷也丁巳夏予奉

命撫豫時值久旱

陞辭之日親承

聖天子敬天恤民之謫星言赴任益厲虔共時雨嗣  
降幸獲有年萬寶告成冀酌神貺而會城八蜡  
之神無專祀遷謀同官立廟宇于劉猛將軍祠  
左落成且有日將伐石以紀厥事土人見殘碑  
卧地中啟而視之乃前明周令班爵重修八蜡  
廟記也異哉陳迹湮而忽彰新廟述而不作

廟之興廢自有定數歟抑人心一念之誠神之昭格卽如響歟然吾聞四方年不順成八蜡不通是以古之帝王敬恭明神休息老物至于召和降康則非一日之積蓋八蜡之通由于年之順成年之順成由于雨暘寒燠雨暘寒燠關於貌言視聽貌言視聽皆管攝乎思凡蒞茲土者寅恭乎一心整肅乎百體政通人和神罔恫怨此顯微無間天人一貫之至理也休徵至而祀典克舉矣余述是廟興廢之由彙詩禮之條貫

祥符縣志

卷八

祠祀  
祠廟

七

闡洪範之微旨體

聖天子之訓諭推之以廣迺在位蓋黍稷雖馨要之以敬爲本凡我同官其共勗哉工始於乾隆三年二月告成於四月廟凡三楹有門有廡監工官祥符令張淑載也例得備書

附張淑載議八蜡祭品云某日奉憲帖令淑載議八蜡祭品淑載考之長樂陳氏禮書曰蜡之爲祭所以報本反始息老送終也其服主元冕而有司皮弁素服葛帶榛杖其牲體鴈辜其

六變吹豳頌擊土鼓舞兵舞帔舞禮行于周之  
十二月淑載以爲古禮駭俗不能施行然詳其  
禮意以通于今宜從中祀之禮牲用少牢禮用  
兩跪六叩首但先儒皆以先嗇爲神農司嗇爲  
后稷神農古帝也后稷周家亦祀以天子之禮  
粒食之功垂于萬世享以中祀竊有未安淑載  
又考周禮籥章國祭蜡則吹豳頌擊土鼓以息  
老物先儒爲謂頌者卽周頌之載芟良耜兩篇  
載芟主祈良耜主報蜡報祭也其用良耜明矣

良耜之詩曰殺時稔牡有捄其角則古人祭蜡  
用太牢明矣况河南省會之區大憲主祭不與  
外邑等祭用太牢迎神送神行三跪九叩首禮  
祭品牛一羊一豕一登一鉶二簠二簋二籩十  
豆十酒罇一其外邑亦用三跪九叩首禮其祭  
品羊一豕一鉶一籩四豆四簠二簋二此以地  
而宜分隆殺者也其粢盛蔬菓各隨本邑土產  
主乎豐潔以彰厥明之賜又先嗇最尊而司嗇  
次之六神次之劉猛將軍又次之比于文廟也



在大梁驛後失考  
荆建明季河水圯  
國  
失考年

鄉祠在西門街浙江人公建祀神飲福之所  
熙二十一年監生王安福建康熙五十八年司  
獄司丁震宣等修雍正六年候選知州周文德  
拓修

餘各省會館多隸祥邑但不祀神者不載

### 聖賢祠

文廟詳見學校

### 祥符縣志

### 卷八

祠祀  
祠廟

三

三皇廟在縣治東北隅艮岳遺址元初建失考年

元吳炳擬修三皇廟記云皇元立制於凡祭古

帝王有司擇日行事其祝幣牲牢之數因時損

益祭已卽去三皇乃因舊制立廟郡縣有常所

祀用莫春之初有常日其祝幣牲牢之數有司

恪守不敢有隆殺焉歲有常禮豈不以勲被天

下與一時之澤視開天之聖立極於萬世者實

狹不同而國家所以崇德報功者亦因之有

薄歛汴梁路去京師千五百里而近祥符治

月尹省憲咸在土地人民之廣繭絲保障之  
不後旁郡其諸神祀崇樓閣殿峻基宇而  
虛者遠近相望皆興於私家獨力乘堅良而擅  
素計者奔走恐後三皇之祭宮不踰畝在良嶽  
寢基之巔如無所于託而姑栖焉者主祀配饗  
合食一堂前後尊卑不紊無秩叙几筵俎豆不比  
於禮乎伏薦裸寤於登陟若是者蓋有年矣所  
司視爲故常不屬於意方以不飭郵傳爲大故  
非所以奉明制而崇聖祀也然土功之興民亦

祥符縣志

卷八

祠祀

三

勞止爲之以漸人不告病而功倍常是一材之  
積一甕之用有不可少者是爲之兆後將有興  
起焉若無黍黍之積徒太息於此將無所爲計  
猶病七年求三年之艾苟不畜之終身無所及  
矣若李侯者其有知於此歟李之來也能奉宣  
上命以惠愛爲治首修儒學顧瞻是廟乃喟然  
嘆曰時尹之責其何敢後乃買田以拓故址夫  
土則之啜譏於已陋施之古昔似無大失乃命  
建之工爲登豆簋簋爵坩鬯象之尊

鼎無不具者更命吏籍官田二百五畝有奇  
弄醫學議定會朝廷有停役之命遂不果就道  
豫王國輔請文以記之若有望於後者侯之用  
意勤矣君子於義所當爲者惟力是視成否遲  
速幾不自主侯爲是廟先事備積而張其本者  
又豈特一材一篲而已邪後之來者其才行皆  
膺選拔而尹是邦方將奉行國家崇德報功之  
意歎夫林然以生羣然以居室處而火食養生  
以送死與主是廟者仰視凡筵俯食土田之入

孰非蒙三皇之澤者哉皆將攘臂爭先趨蹶率  
事其孰不曰是廟之修自李侯始亦何病其不  
出於已也侯名信字可復止黨人前爲京尹治  
有能聲今以正議大夫爲總管云副之者朝散  
大夫同知崔阿沙奉議大夫治中劉巨源承務  
郎推官張君謙贊之者承務郎經歷李獻而董  
是役者亦土國輔也

國王廟有二一在城東一在城西  
年久失修

聖人憂陽修禹王廟碑記云李子游於禹廟  
臺寬長河之防孤城古宮平沙四漫遐睇故流  
北盡碣石九派湮淤雲草浩浩於是愴然而悲  
曰嗟乎余於是而知王霸之功也霸之功驩久  
之疑王之功忘久之思昔者禹之治水也導川  
爲陸易甦爲寧地以之平天以之成去巢就廬  
而粒而耕生生至今者固其功也所謂萬世永  
賴者也然問之耕者弗知粒者弗知廬者弗知  
寧者弗知陸者弗知故曰王之功忘譬之天生

切而物忘之赤者忘其維棲者忘其枝民者忘  
其聖人其忘之也不知之也不知自忘及其其  
也號呼而祈恤於是智者則指其所從來而  
者興矣河盟達東也覺曠肆悍勢猶建瓴堤  
一決數郡魚鱉於是昏墊之民咸詣廟稽首號  
曰王在吾奚溺而防丁壤夫樁戶草門鞠築困  
苦則又各詣廟稽首號曰王在吾奚役斯所謂  
思也故不忘不大不思不深深莫如地大莫如  
天王之道也伯者非不功也然不能定之不

而不能使之不疑何也不忘者小小則近近則淺淺則疑如秦穆賜食善馬肉酒是也夫天下未聞有廟桓文者也故曰予觀禹廟而知王霸之功也或問湯文不廟李子曰聖人各有其至堯仁舜孝禹功湯義文王之忠周公之才孔子之學是也夫功者切乎菑者也大梁以菑故是故獨廟禹是時監察御史澶州王子會按河南登臺四顧乃亦愴然而悲曰嗟乎予於是而知功之言微也吾少也嘗躡州城眺滄渤南目大

祥符縣志

卷八

祠祀

三

梁之墟乃今歷三河攬淮泗極洪流而盡滔滔使非有神者王之桑而海者久矣尚能粒邪耕邪廬邪能孰者寧邪川者陸邪嗟乎予於是而知功之言微也所謂微禹吾其魚者邪所謂美哉勤而不德者邪於是飭所司葺其廟而屬李子碑焉王子名溱以嘉靖元年春按河南明年秋代去乃李子則爲迎送神辭三章俾祭者歌之侑神焉迎神辭曰天門兮顯闢赫赤赤兮靈吐窈黃屋兮陸離靈總總兮上下羗若來兮

不見不見兮奈何望美人兮徒怨苦橫四海  
怒波降神辭曰絙絃兮鐘鼓神不來兮誰怒執  
河伯兮照影飭陽侯兮清路電藹藹兮來至風  
冷冷兮堂戶舞我兮我醕尸既飽兮顏酖惠我  
人兮乃土乃粒日云暮兮尸奈何送神辭曰風  
九河兮濤暮雲曠曠兮昏雨王駕鳳兮驟文魚  
龍翼翼兮兩旗悵佳期兮難屢心有愛兮易離  
愛君兮思君肴芳酒芬君歸來兮庇我民

國朝康熙七年巡撫張自德修三十年巡撫閻興邦

祥符縣志

卷八

祠記  
祠廟

三

重修三十三年

御書功存河洛四字巡撫顧汧於廟前創建

御書樓奉懸匾額一在城西黑岡口康熙二十八年

巡撫閻興邦建

古聖賢祠在相國寺西合祀古昔聖賢 國朝順

治十六年巡撫賈漢復建

賈漢復合祀聖賢碑記云合祀聖賢禮與貴賤  
不同牢前晚不併叙恩讐不共域反是三者爲  
賔爲亂爲戾賔則弗敬焉亂則弗齊焉戾則弗

抑焉弗敬弗齊弗和神其馨諸聖賢合祀梵宮  
禮與君子之教也必由其本順之至也祭者教  
之本也祭義爲察協人事之極乎神故以道蒞  
天下者其鬼不神其神不傷祝史薦而辭不愧  
是以其人敬慎幽冥而淫祀不作今啟釋教而  
附禮教焉教失其本矣釋之教先正毀之等於  
淫祀瞻梵座輪哉負哉割一席以奉腥奉熟方  
其遠之而謂來之人事之不順烏乎察神其馨  
諸二者之不合祀禮也嗚呼余烏知禮哉方輿

祥符縣志

卷八

祠祀  
祠廟

无

畫五土而地中奠之載坤含功其生敦衍皇王  
開天河洛道啟卜京歷都弼尹被濯而光繹之  
此三古以訖今未有若茲之盛也過夷門之道  
帝邱賢宇如堂如翼春秋有苾壬午九月厥災  
水入國胥淪洳陷邇歲民舍登登撫繩趾而駢  
營之不復識已余用憮然弔吹臺將訪遊梁書  
院之遺跡徵八郡文獻而俎豆之余志也民力  
未息未敢康工夙夜猶咨余乃其去悼臣子之  
多恤騷騷鼎鼎聿靡適也歎然曷已夫余志之

其終之終余晦之余乃辜哉故今作相國寺者  
邦人之志而合祀諸聖賢旅奉弗終于晦乃余  
之志亦合諸邦人之志也禮則余烏知哉余亦  
聞諸禮者夏官司勲掌六鄉賞地之法以等其  
六功詔太常祭于大烝周書新邑之祀咸秩無  
文夫大烝合祀也無文主乎敬不病乎簡也漢  
制祭功臣于庭與士庶爲列尊君而卑功魏高  
堂隆非之議升堂餘與君同牢貴賤取諸骨夫  
配食者可因君之牢以骨差爲俎其異代而無

祥符縣志

卷八

祠祀  
祠廟

三

君臣之義者奚見不可同堂以共牢爲俎耶臯  
陶伊尹呂尚功當代不祀異代矣不祀異代而  
歌德拜風異代仍祀焉不替君子論其德不論  
其世也故月令古之卿士有益於人者孟春與  
山川並禱焉是數者可以合祀矣昔武侯亡所  
在求立廟議未合百姓祀于道陌識者不非之  
神之憑依惟德是馨道陌可祀梵宮奚不可奉  
也君子之教從乎德不從乎地知者爲德禮愚  
者爲覺懺瞻化而得亦存乎君子小人而已矣



爰是祠成肇三皇次禹以下天地者教之始乎  
匪瀆也按唐制歷帝王肇跡無祠宇者詔郡置  
廟享之取將相可稱者配次孟氏子遊梁倡仁  
義也次周程十賢闡道性也三書院其可作乎  
文王世子之儀有道有德者使教焉歿則祭于  
瞽宗惟作師哉若者祀中堂余讀禮曰法施于  
民則祀哉昭首逢比歷代諸忠次信陵公子次  
岳忠武次宗忠簡次鐵司馬諸褒忠次于忠肅  
庇民次許忠節次陳橋范汪王諸忠賢若者仁

祥符縣志

卷八

祠祀  
祠廟

三

之至義之盡也考周志勇而害義不登于明堂  
共用謂之勇君子教善嘉寬哉若者左楹余讀  
禮曰以死勤事則祀哉能捍大患則祀哉穆首  
皮塲公次樊將軍次李衛公次尉遲次包孝肅  
公范文正諸名公次李忠定次徐中山馮宋國  
諸勲配次張英國三王次王徐秦諸名撫史記  
有言勲哉功哉伐哉闕哉五經異義在其位故  
祭報哉東昌之役失吾良醫辛巳二月弔祀哭  
以文河間固歿於王事也以司馬不共域焉

而無義以周志殿哉若者右楹余讀禮曰以勞定國則祀哉能禦大災則祀哉猗歟翼翼匪亂匪戾順之至孝之本乎嗚呼宋政和元年詔開封府毀祀不在祀典者千二十區存者無考茲十餘區耳乃與河俱沒廿載僅合祀梵宮禮固如此耶思頡靡容呂尚矣賜須柴牢諸徒半宋衛陳蔡之郊竹書多軼富辰萇宏延祖稽仲日月於昭曾無過而問焉孟博嗣祖終錮寃之子琰安石長源彥國固轟然烺然遙情夙照山川

祥符縣志

卷八

祠祀  
祠廟

三

濶瑟乃不獲一椽之庇登梁祀而俎豆之豈合祀亦有幸不幸耶其湮沒者又烏可勝數也余之志固能終耶矧合祀梵宮非禮也維嶽降靈維河允翕宮墻載啟敬俟知禮于君子云

歷代忠臣祠在安遠門外祀夏關龍逢殷比干唐張睢陽明張來儀失考勦建明季河水圯

信陵君祠在縣治北明隆慶二年建河水圯國朝順治十六年左布政使徐化成修

關帝廟有九一在大梁驛西一在大爪隅首一在

明詞謚記云開封府故存包孝肅公祠蓋祠其  
知開封府時功也前後公知是府者多人奚  
獨祀公蓋公其尤也公所歷諸官皆有績奚獨  
祀公知府功蓋開封府事功可以該諸績也  
惟公之在開封也剛毅不阿貴戚官臣爲之斂  
手猶若居御史諫議之論斥而且開門鬻訟吏  
不敢欺卽廣其知天長時斷割牛舌訟之明也  
劾毀勢家侵惠民河圍榭卽推其轉運河北時

祥符縣志

卷八

祠祀  
祠廟

三

請以牧馬地賦民之惠也自奉儉約無異布衣  
誠子孫不敢犯賊罪卽充其知端州時歸不持  
一硯之操也與夫知瀛州而請罷回易在三司  
而置場和易以免民供上之物則皆繇京府以  
達諸外郡者也然則公敷歷中外之績舉可足  
乎該矣故京師爲之語曰關節不到有閻羅包  
老人以其笑比黃河清童稚婦女亦知其名呼  
曰包待制云比卒太常乃併其親老不赴調親  
歿廬墓之行謚曰孝肅蓋實法所宜祀者此明

封所由以祀公也而當時知是府者前公如陳  
文惠康肅兄弟繼尹薛蓄蕭嚴如之後公如  
歐陽文忠呂正獻濟以寬簡然皆爲他善所掩  
其知是府功則莫與公並者此開封府所以獨  
祀公也祠在府治廳事北創始未詳歲月歷金  
元以迄我朝府列外郡祀事歲修不廢祠則屢  
葺乃成化癸巳前知府孫侯瑜以址隘宇將壓  
相得府治巽隅隙地遂徙建焉工未就緒而孫  
侯卒今知府張侯岫至亟繕完之中爲屋三間

祥符縣志

卷八

祠祀  
祠廟

三

左右翼兩廂各三間前監門樓周繚以墉肖公  
像其中黜堊髹漆煥然一新張侯手書其匾曰  
包孝肅公之祠爰率僚佐落之而告慰公神如  
禮每春秋用牲醴致祭著爲儀且哀公遺事奏  
議載銀以廣傳焉其尤知慕公者哉僉謂斯舉  
不可無記以告將來張侯屢以爲請因述開封  
府所以祀公之意俾人知公之功不獨在開封  
也

國朝順治七年知府丁時陞重建府治前康

五年知府管錫忠修

名賢祠在縣治西宣化橋祀宋開封尹范仲淹錢若水寇準陳恕呂夷簡呂餘慶王巖叟張方平杜衍馮京歐陽修明王博萬信韓英孫珍失考  
創建明季河水圮

十賢祠在城東南繁塔寺後祀宋元儒周惇頤程顥程頤邵雍司馬光張載朱子熹呂祖謙張栻  
許衡失考創建

李公祠在縣治北祀宋相李綱失考創建明季河

祥符縣志

卷八

祠祀

三

水圮

宗公祠在城西北祀宋東京留守宗澤失考創建

明季河水圮

岳王廟在城南朱仙鎮河西祀宋鄂忠武王岳飛  
明成化十四年布政使吳節知府張岫建正德  
四年修萬歷三十三年重修

明何孟春修岳祠碑記云宋岳鄂侯忠武王廟  
始建於鄂再建于杭三建於湯陰而今建於梁  
城南之朱仙鎮在鄂者王開國地王寃白時已

建在杭者王墓在焉在湯陰者王父母之邦其  
廟皆著祀典而朱仙鎮者王之功於是爲極王  
之忠憤所不能忘者也王當靖康建炎之難應  
宣撫募屢擒劇賊轉武階隸留守司所向戰必  
克以言事削官歸詣招討使時年尙少柄任未  
及而竒其戰功者以爲古良將不能過聽其言  
者知其非行伍人也新鄉之戰侯兆川太行山  
皆有功而事見忌於都統胙城之戰黑虎潭汜  
水關竹蘆渡南薰門及清河鐵路步六合烏江

祥符縣志

卷八

祠祀  
祠廟

三

皆有功而謀復行於留守然王自一軍獨制兀  
术不能犯杭長入而宋得復建康則皆廣德之  
戰宜興鎮江東清亭牛頭山新城靜安之功也  
嗚呼王用統制借補州刺階大夫四年間崛起  
行伍厥功已如此紹興以來王始承制命秉節  
鉞游陞使帥專征諸路控扼數州叛將歸降逆  
賊奔潰江西嶺表水陸繼平使內不得合外無  
與應固皆王之功也王志在中原復讐報國奏  
移屯鎮每圖大舉而姦相擅權力主和議時

機至輒加沮抑高宗聞王言始大感悟授王  
南北諸路招討之命王分遣諸將在處奏功相  
繼大軍既北與兀朮遇大敗之於郟城於臨潁  
於潁昌而進至是鎮距汴四十餘里與兀朮對  
壘又大敗之當時中興之機舉集目中天時人  
事強弱已見而班師之詔前後踵趨使王十年  
之力廢於一旦蓋秦檜之計也嗚呼王之功於  
是爲極而王之忠憤亦於是爲甚王一回轡河  
南州縣復陷明年犯廬濠王至則遁去和議旣

祥符縣志

卷八

祠祀  
祠廟

三

決而王歸遂死於權姦之手矣嗚呼高宗嘗命  
王中興之事一以委卿而竟不能成王唾手燕  
雲之功於招討之命若是者天耶人耶王之功  
自紹興來十二年間朝廷無日不聞捷士民無  
處不賴其救徵諸史冊難復事數而地計而春  
獨謂是鎮爲極者以此王之踪跡周旋而河南  
北凡幾而獨是鎮有廟與其開國地其墓其鄉  
比者春所謂王之忠憤所不能忘者也嗚呼王  
廟在宋惟鄂國朝杭湯陰用守臣議並著而是

鎮成化間居民之義者共爲之藩臬官交獎助之其制簡溢今天子正德紀元之四年己巳河南鎮守因行縣有感乃拓而新焉而廟貌閎偉香火虔嚴開封道紀司擇道士一人同焚祝焉顧歲時祭物供諸居民弗典弗虔焚祝衣食無所於寄又四年壬申布政司右布政使楊公子器至爲買旁鎮腴田七十畝出帖給廟春適至爲量費制祭備用鑿井作亭廟前俾廟神有禮享祀有業守民知義者交慰焉乙亥春當去汴

祥符縣志

卷八

祠祀  
祠廟

學

民石杲等聯告請記春謝不及爲明年道士楊繼時又走京師以請嗚呼忠義之在人心亘古今達天下豈有旣哉今太行兩河之人皆應王之忠義豪傑也昔者挽車牽牛載糗糧餽義軍頂盆焚香候王之人今日拜廟之民也嗚呼是孰強之使然哉忠義之在人心不得而泯也謂是廟者忠義之心其油然而生矣乎春於是書

國朝順治十七年

刻巡撫尹曾一書

事於碑



考宋贈鄂王岳飛謚忠武文畧曰李將軍曰  
出辭聞者流涕藹相如身雖已死凜然猶生又  
曰易名之典雖行議禮之言未一始爲忠愍之  
號旋更武穆之稱獲覩中興之舊章約知皇祖  
之本意爰取危身奉上之實仍采戡定禍亂之  
文合此兩言節其一意昔孔明之志與漢室子  
儀之光復唐都雖計效以或殊在秉心而弗異  
垂之典冊何嫌今古之同辭賴及子孫將與山  
河而並久是鄂王改謚忠武甚明乃世豈知之

祥符縣志

卷八 祠祀

望

今乾隆三年廟中刻巡撫尹會一書改謚事云  
宋岳少保以忠死謚忠愍中更武穆後追封鄂  
王改謚忠武然至今稱武穆者獨多予同年友  
蔣行人祝遂言曰稱武穆非所以妥王靈也初  
高淳張進士自超自言嘗夢入王廟王禮之告  
以生平盡忠宋室至死不悔宋嗣王業改謚忠  
武而世俗仍稱武穆豈五口心哉言訖寤心異  
嗣應浙撫徐公聘主敷文書院適書院落成徐  
公將伐石以紀王之守墓人不謹或竊碑石

蔡來盡忠武字隱隱石壁見之心動...  
李公亦延主敷文院時...  
名臣傳寄制府開羅...  
文年月志慎地制府語...  
王廟竟改諡...  
碑記歷二十有奇...  
是為宋理宗寶慶元年...  
武初明王鳳洲先生所立...  
入傳報

肅符縣志

卷八

祠廟

三

相國然則王非終...  
聞行人言肅然夫王之忠...  
諡則惡可不正嘗讀本傳...  
某製旗賜王後被檜...  
盡忠報國字深入膚理傳...  
根於天性而又奉君親之...  
之後世舍其大而稱其細...  
見諸本傳而見於理宗本...  
立石於前吾友按勘於後...  
大行受大名忠武之

論其耀千古矣予又懼夫見名臣傳者或真也  
書其事梓以傳之敬詳厥謚蓋神所馮依亦以  
屬臣節云

徐國公祠在南薰門外吹臺之西祀明臣徐達以  
常遇春李善長沐英劉基馮勝湯和胡大海鄧  
愈李文忠配享嘉靖二十二年建明季河水圮  
宋國公祠在新昌坊祀明臣馮勝成化十一年建  
明季河水圮

褒忠祠在南薰門外祀明臣鐵鉉邊昇王良李堅  
祥符縣志

卷八

祠祀  
祠廟

聖

楊本萬曆三年建明季河水圮

明衷貞吉建褒忠祠碑記云河洛中天地而聚  
光岳之英忠臣烈士奕世彌赫表表史冊聞在  
建忠烈祠矣而革除諸死事者未及義有所待  
也今天子御極下詔褒錄諸臣令各祠其土甚  
盛典也海內諸司奉益虔豫藩左史閩小江吳  
公至蒐核得死事者五大司馬鄧州鐵公少司  
馬榮澤邊公少司寇祥符王公駙馬武陟李公  
衛鎮撫中牟楊公乃請於撫軍次恒吳公巡撫

而河劉公下不佞行諸郡議已得其應祀狀遂  
卜勝地於南薰門外許忠節祠右檄開封曹守  
會材鳩工創建祠宇工始於秋七月迄冬十二  
月而落成輪奐異如蠲吉一臺率所屬吏士奉  
主潔牲醴薦仰瞻廟貌凜凜然有生氣環而觀  
者若堵吳小江公暨右轄鮑公副憲田公等揖  
而進曰是不可以無記願鉅筆記之以垂不朽  
二臺遂授簡於不佞余喟然曰五公之忠肝義  
膽載在國史其精爽固與日月爭光也諸公亦

祥符縣志

卷八

祠祀  
祠廟

器

知聖皇所以褒錄之意乎夫鞠躬盡瘁貞臣之  
所以報主也顯忠遂良明主之所以礪世也故  
錄遺忠而後天下之竭誠盡慎者勸懷利事君  
者媿有位者勉修其職無位者兢修其所天常  
人紀所以維持不墜者恃有此耳昔文皇曰彼  
貪其祿自盡其心又曰練子寧若在吾當用之  
蓋褒之也昭皇曰方孝孺皆忠臣也遂肆大書  
又謂曰忠臣宜有傳不書則何以示勸夫  
言其褒忠義以風來世何後先一揆與哉聖天

子英敏天縱動率舊章明潔一頒海內士宗寧  
咸懷懷焉務傾赤心以共厥一而中州爲股肱  
地乎誠易先感發之機翕如也吾意是祠之建  
也使後之官斯土者瞻之而肅然敬惕然思奮  
然起則必摠誠布悃大法小廉而卓乎以忠諫  
先天下曰此中州之良吏也使後之生斯土者  
瞻之而肅然敬惕然思奮然起則必砥節礪行  
頊廉儒立而卓乎以高誼重天下曰此中州之  
良士也則是祠之所張興而裨益世豈淺鮮

詳存縣志

卷八

祠祀  
祠廟

聖

哉是則聖皇褒錄意也余故表而出之以最後  
之官茲土與生茲土者諸公輾然曰寧可以垂  
不朽矣遂書此以志云

張氏三王祠在縣治北祀明河間王張玉定興王  
張輔寧陽王張懋夫考創建明季河水圯

名撫祠舊在縣治西失考勅建明季河水圯 國

朝康熙二十八年巡撫閻興邦改建於提學署  
前祀明巡撫于謙王佐李奎王來王暹王恕  
傑秦紘張瑄徐恪韓文秦東陶琰鄧庠鄧璋

天衢徐讚魏有本維昂章煥衷貞吉鍾化民  
如春范景文陳必謙汪喬年王漢 國朝吳景  
道張存仁佟鳳彩

庇民祠在縣治西祀明巡撫于謙成化二年建卽  
公之寓廨所也正德十年修明季河水圯

明李慶陽修庇民祠碑記云開封城馬軍衙橋  
西故有于少保祠云初公以定傾保泰之功居  
無何而死于天下人聞公死咸驚而疑而涕  
泣語曰鷺鷥冰上走何處尋魚賺而公前巡撫

祥符縣志

卷八

祠祀  
祠廟

哭

河南時實解馬軍衙橋西而梁父老於是聞公  
死則咸涕泣相率潛詣公故廨爲位哭奠焉會  
純皇帝立詔曰少保謙寬宥其家而遣祭其墓  
乃梁父老則又咸涕泣相率私赴祀故廨傍祠  
公伏臘忌歲梁父老則把香曳筇跋履若少壯  
咸翼如不期至稽首祠下哭填門塞戶矣會又  
敬皇帝立詔曰少保謙贈特進光祿大夫柱國  
太傅謚肅愍立嗣歲春秋祀之而曰旌功祠乃  
於是梁父老則又咸涕泣相率數百千人皆聞

門伏訴少保謙前兵部侍郎時巡撫功云  
立祠如杭祠不報而梁父老歸伏臘忘歲仍聚  
哭公於私祠今三十年餘矣正德十年監察御  
史巡按張君清軍許君並謁公祠下見其門屋  
三間僅存堂欹漏欲頽矣於是情然思俯而悲  
也已仰而歎曰嗟斯非梁地耶宋不此都哉靖  
康之事千載悲焉二帝不南矣夫定傾者世保  
大者食澤流者思故祠之言思也血食使之世  
者也於是下令曰少保祠撤故易腐扶欹植頽

祥符縣志

卷八

祠祀  
祠廟

聖

起圯新而繪堊而級而隅而榮而序備矣日謂  
者奚止也則重而堂器奚貯也則翼而廊而道  
士元林守焉西北隅其防也望之栗栗而囓囓  
枚枚而嚴嚴是使之世者之道也李夔陽曰予  
觀今人論肅愍公事未嘗不酸鼻流涕焉蓋傷  
爲臣不易云夫事莫大於君出敵入排遷主戰  
四者旦夕之勢而存亡之判也乃今人議則異  
是或見鮑莊事輒曰夫葵猶能衛其足然獨不  
思勇士不忘喪其元乎予曰所欲有甚於生

者故生而有所不用也然將軍蠡留侯良功  
身抽天下兩高焉又何也於乎難言乎豈所謂  
計免者非忠貪盛者違智歟而敵擁太上皇大  
司城下勒賊也大同人登城謝曰賴天地宗社  
之靈國有君矣至宣府城下宣府人登城謝曰  
賴天地宗社之靈國有君矣於是公颺言曰豈  
不聞社稷爲重君爲輕斯言也事以之成疑以  
之生者歟且太子之易南宮之錮二者有能爲  
公怒者否耶公有不如意輒拊膺忿曰此一腔

祥符縣志

卷八

祠祀  
祠廟

吳

血竟灑何地聞其言孰非酸鼻流泣者而獨咎  
予也於乎傷乎雖然宗澤岳飛非下於人者艱  
難百戰卒愠歔而死若公者死可矣死可矣公  
巡撫諸所爲業載傳狀今不復次第述其始終  
若是祠修於是年春月夏而告成張君淮許君  
完事祀事者賀君銳也系之詩曰於鑠旋運曷  
平不陂康屯傾否哲者斯利於維哲英鑒精含  
貞匪時曷徵匪猷曷與靡疑靡驚厥伐用成厥  
育是輕委躬於誠蛇何盤社龍何在野乾極危



愬日月易舍蠢爾乃賊乃異國邑之亂之  
廟岌岌公丁其時矢身以徇出仇排議不難不  
震僉曰和宜公曰有戰四方之事勞絲游刃帝  
昇弗疑公泣視師義激六軍如虎如豨惟直斯  
壯人心干城肅肅我壘悠悠我旌載清載寧皇  
歸於京古曰荷難今日癡忠古奚嘉今胡嫉而  
何讒非名何毀非公孰讒靡和孰毀弗同彼巧  
彼任厥膺斯厲古則曰直今曲自爲於乎少保  
時晦時昭古誰無死死有榮褒峩峩廟祠棟隆

祥符縣志

卷八

祠祀  
祠廟

巽

崇基神之遊之旆旆其旗白馬朱衣有風淒其  
歎其有光若往若來卽而罔見跂望漣洏茲邦  
寄居氓實爾思

許忠節公祠在南薰門外祀明臣副使許逵嘉靖  
三十二年建明季河水圯

明李濂建忠節祠碑記云正德己卯之夏寧庶  
人宸濠肆逆維時巡撫江西都察院右副都御史  
史餘姚孫公燧暨江西按察司副使固始許公  
逵抗義不屈死之嘉靖初詔旌死事之臣

禮部尙書賜諡忠烈達贈都察院右副都御史  
再加贈禮部尙書賜諡忠節各蔭一子爲錦衣  
衛正千戶遣官祭葬並立祠於南昌又各祠於  
餘姚固始以示褒崇嗣後浙江守臣又立孫祠  
於杭城都會之地以風其鄉之人癸丑春三月  
巡撫河南都御史蒲圻謝公存儒巡按御史東  
牟浦公之浩謂杭既有孫祠而許祠未建於汴  
二公死事實同表揚之典不宜有異乃咨請藩  
臬二司暨學憲臣僉以爲然於是檄開封知府

祥符縣志

卷八

祠祀  
祠廟

三

王君撫民擇基於省城南關亢爽之地創建忠  
節公祠鳩工市材爲堂四楹中尙公像左右廡  
楹亦如之前設重門繚以周垣而龕几瓶爐之  
類罔弗爲之備且屬余紀其事于麗牲之石未  
幾二公以遷代去嗣後都御史衡水楊公宜甫  
田鄒公守愚相繼以巡撫至御史孝義霍公冀  
以巡按至復趣成之而祠乃完終其事者知府  
翁君時器同知何君鏜也余惟忠義之在天下  
入心攸同風勸之典弗以域異事故南昌之

公死節地也固始之祠公所生地也汴亦公之  
故鄉又公應試赴官往來地也抑體魄雖歸葬  
固始而魂氣之無不之者安知不徘徊眷戀於  
斯地耶顧汴人有弗能盡知公死事之繇者余  
撫其概而書之公諱達字汝登世爲汝寧固始  
人幼負敏質風骨秀異爲諸生治毛詩有名丁  
卯舉河南鄉試明年戊辰進士第己巳授山東  
樂陵縣知縣有惠政及民辛未劇賊劉七齊彥  
名起畿甸轉掠而東攻焚郡邑殺長吏公有禦

祥符縣志

卷八

祠祀  
祠廟

五

寇之功賊不敢近樂陵臺臣薦其才超拜山東  
按察司僉事兵備武定州公出奇制勝屢挫賊  
鋒斬獲無算丁丑擢江西按察司副使當是時  
濠招納姚源華林諸賊縱劫江上攘其貲以厚  
賂權幸將圖僭逆公言諸當事者曰寧藩饋遺  
貴近皆取給羣寇今莫若剪寇則財困財困則  
賄息賄息則交解交解則其惡自戢而吾志可  
行不然後難圖也當事者難之其策竟不能用  
再踰年濠益橫臺諫交論其久蓄異志形迹已

今則不然關垠馳嚴暴騎突標五衢爲梗今則不然  
君披鱗喘腥慘殄和盜牧艱農今則不然  
璧乃與諸紳士以詰有衆曰是何從而致此非  
我公能民乎民曰允若是請以歌公璧曰公之  
德自當與天壤同壽公之功自當與竹帛同垂  
以我蠓螢奚足爲公歌民曰必永以歌冀以圖  
公貌使八郡之人得以春秋瞻拜不衰口宜鳩  
工子來祠不日以城璧乃拜手颺言曰公篤孝  
似陳元方忠蓋似司馬君實經畧似范文正節

祥符縣志

卷八

祠祀

七

鎮似羊叔子崇學似韓昌黎省獄似歐陽觀恤  
士似謝仁祖愷切敷奏似陸贄安恤流移似富  
弼釐剔關節似包孝肅綜理圖籍似蕭鄴侯裕  
用墾荒似趙營平嚴戢兵戎似郭汾陽治盜安  
農似龔渤海澤及鳥獸似楊宏農至於詩酒嘯  
咏則裴綠野謝東山也於是大小寮屬及諸紳  
士耆庶舉手加額曰是可以祠我公矣卜祠於  
廣生池畔者何蓋廣我公好生欲並生哉之義  
也次公之一年善留鄭公之三至可待請以一

圭宮惠抑春波當棠菱孽望俾後世賈男  
羣拜宇下者咸識爲曲沃膠侯賈公之祠也夫  
昔景伯一片石湧金如泉當引爲我公世祝之  
云爾

佟公祠在南薰門外祀 國朝巡撫佟鳳彩康熙  
二十一年建

王公祠在南薰門外祀 國朝巡撫王日藻康熙  
二十四年建

閻公祠在城東鐵犀廟內祀 國朝巡撫閻興邦

祥符縣志

卷八 祠祀

矣

康熙三十年建

鹿公祠在提學西轅門外祀 國朝巡撫鹿佑康

熙五十二年建

蔣公祠在提學東轅門南祀 國朝提學蔣伊康

熙二十四年建

張公祠在提學西轅門外祀 國朝提學張九徵

康熙二十七年建

郎公祠在南薰門外祀 國朝布政使郎永清康

熙二十四年建

胡公祠在宋門外祀 國朝屯田道胡士梅康熙十年建

周公祠在南薰門外祀 國朝糧驛道周銓元康熙四十一年建

徐公祠在相國寺東祀 國朝開封府知府徐而泰康熙五十二年建

王公祠在城東鐵犀廟內祀 國朝管河同知王永義康熙三十年建

許公祠在相國寺東祀 國朝祥符縣知縣許開祥符縣志

邦康熙四十三年建

牟公祠在南薰門外祀 國朝布政司牟欽元雍正二年建

彭始搏建牟公祠碑記云粵稽古岳牧名臣抱非常之才者斯能立不朽之德負卓絕之識者斯能垂不世之功以一心精誠作兩間正氣當時和年豐之際教行化洽殆如造物之煦育默運而人不知設閭閻疾苦一夫不獲其所苦已溺已饑必置之衽席而後安此在天為星辰在

卷八 祠祀 禿

地爲河嶽德在一已功在斯世是以捐館之  
萬姓哀思不忘所謂捍災禦患有利於民則祠  
之非若博名高者之可幸而致也如我大方伯  
東山牟公以恢宏特達之才膺海內重望西秦  
東魯荆楚吳越間迄今三十載實政賢聲謳歌  
不輟已亥春復膺

命屏翰中州汴之紳士軍民咸相謂曰公父兄三  
世蒞吾鄉公之來必能不光先業愛我人民兩  
河八郡沐庭澤而載移思千載一時矣迨公下

祥符縣志

卷八

祠祀  
祠廟

李

車後釐奸剔弊政治一新惠愛士民蒸蒸嚮化  
詩云不競不綵不剛不柔敷政優優百祿是道  
者公實有之未幾輓運西陲公持籌會計以資  
運實迨奏績而民不知有兵辛丑夏旱魃爲災  
河南赤地千里遍野哀鴻公亟請賑濟且單騎  
查閱視歷葺屋殷勤撫恤予粟予金全活甚衆  
三年來黃流洶湧左右奔突沿河田舍竟屬波  
臣時堤防甚峻公經營籌畫凡所需柳株草米  
俱不問之民間自興築以迄成功毫無驚擾公

日擊赤子流離痾瘵切體因捐資三  
金俾民復業更奏准緩征舊欠朱仙鎮爲市  
名區被水漂沒公親往拯救日在泥淖中不  
倦也公之捍災禦患爲利於民者蓋如此士民  
仰恩遂勒石以誌公德不意趨朝有日竟以疾  
卒於公署彭君男女者焚而定祭者皆是也士  
民固咸知公捐金助葬已公捐金以助公  
喪公家子亦不受賤相與立祠以祀公焉斯  
舉也詎止報德云乎亦聊以誌不忘而已若公

旌符縣志

卷八

祠祀

空

之修學校恤孤寡廉與律已寬以御下篤純孝  
以承爾人忘爾我以敦遠舉矢潔清以燕貽謀  
生平大節國史書之家乘誌之殆與星辰河嶽  
奠麗千古隆古隆古教豈能出其右手公澤豫  
最深余知公最悉因書省士民之請遂畧書梗  
概而勒於石并作歌以誦之歌曰公自閭閻臨  
下方仔肩宇宙形昂鬱隆編積德爨餓糧東海  
烈焰肆猖狂公降霖雨澤汪洋弱聲慙慙  
湘青江有小名滄浪清流可與公齊芳



解過洛陽手披濁浪損隄防黃童白髮咸稱勳  
其源素竹韻悠揚鸞鵲啣書飛翺翔公擬赤鳥  
羽若王農夫荷鍾女携筐掘衣跪拜我公傍  
聞駢箕歸高蒼呼號奔天震大荒高雲慘淡水  
湯湯山光滅滅草色黃羣黎泣涕不能忘計取  
大木植松篁更鑿琬琰字跡香峙立庭前耐風  
霜歲時伏臘薦烝嘗神其鑒誠來徜徉億萬斯  
世屏大梁忠孝之後大而昌

賢良祠在城東南宋門內祀 國朝總督田文鏡

祥符縣志

卷八

祠祀  
祠廟

三

總河陳鵬年雍正十一年建

田公祠在縣治東祀 國朝總督田文鏡雍正十

一年建

忠義祠在學宮內雍正元年建

貞烈祠

歷代烈女祠在城東祀歷代節烈周衛侯女等共

二百一十六人明隆慶三年建明季河水北

明吳道直建烈女祠碑記云豫洛當天

風氣毓靈山河縉秘粵自伏羲肇生

以水豐壤奧區雄視四海逮我明興二百餘年  
密邇京輔聖化霑濡其間忠烈之士不二心之  
臣摩踵接肩後先相望直乎其可稱矣至于宮  
壺婉淑之侶閨闈簪笄之流守義秉節視死如  
歸實有恩重移天哀聲沒地卒然不可奪爾世  
遠人亡顯揚未舉遂使義骨燼若寒灰勁節漸  
湮靡草余嘗弔古悲幽輒歔歔流涕也維時巡  
撫健齋栗公巡按方湖楊公茂承上命建節茲  
土二公皆晉人同寅協恭謹若平生以故期

祥符縣志

卷八

祠祀  
祠廟

三

之間政化清夷境內大治復相與謀曰王化託  
於閨門風教係乎激勸不揣其本而齊其末欲  
風移俗易也難矣爰命憲學楊君俊民諮諏遺  
秀撫採在懿邇考三代而下拔其死節之尤者  
未嫁殉夫如周衛侯女等十五人罵賊就戮如  
息夫人等九十五人含悴捐生如荀采等百有  
六人雲蒸霧翳照映圖籍曷異發荆山之璞價  
重連城剖照乘之珠光曜千里復檄開封其子  
忻暨委祥符丞郭道欽拓地創祠誅德

良辰潔牲醴廟貌巍我觀者如堵爲人父者  
將曰如是而後無愆于歸之義爲人婦者必將  
曰如是而後無媿從一之節觀感興起殆不知  
其幾千萬人余嘗謂婦之從夫猶臣之事君分  
雖不侔其義一也婦之誓節猶臣之協忠跡雖  
有殊其心同也每見輕生儒士誦法先王口談  
仁義覘其謠詠非不捐軀濟難效烈士成仁也  
比觀其時固僥倖苟免百計避危寧復有節義  
奮發冒風波於險塗哉而烈如諸女生長帷幃

祥符縣志

卷八

祠祀  
祠廟

六

未涉書史卒能有光姆訓無忝所生顧非由於  
性成乎嗟乎一日孰短百年孰長烈女之賢操  
固如此然旌節以厚人倫褒往以勸來世微二  
公吾誰與歸遂不辭蕪陋纂輯休美俟他日撰  
國史者得見兩河之地節義獨盛人知褒彰節  
義自二公始焉

六烈女祠在大梁門外西北一里祀烈女陳氏張  
氏高氏劉氏王氏張氏明正德十年建明季河

也斯其志可奪耶不可奪耶夫粉黛笄禕之人  
至微也窮閭敝闈顛顛下賤之女非有閨閣之  
儲文史之訓父兄之指誨聞見之開卓也而一  
旦有如此者彼冠裳鳴珮之夫口先生而講詩  
書者乃往往狼貪而狗生患難之至不化蘅爲  
蕭則豕突鼠竄矣於乎極矣予於六女安得不  
重傷時俗之偷也劉德舉曰斯舉也予倡首義  
於鄉人復白其事於官司矣業爲六女立廟郭  
西而監察御史澶淵王君以其廟狹弗稱也復

解符縣志

卷八

祠祀

六

飭所司拓廣之碑焉贊曰貴非必爵輝豈惟華  
有碎而完有凶而嘉於乎烈女甘心夫家槁骨  
竟雙並蒂則瓜岐穗離畝載嘉者禾五女繼興  
奮義熱情殞軀捨生展哉令名於惟六女生猶  
鴻毛死而處巍山岳其高瞻廟者拜過里則式  
無貴無賤無識不知卽跡窺心持獨驗同古今  
一感人心至公能掌握譬丸全是耻爾忠爾孝  
敢告君子

國朝康熙七年布政使徐化成改建於上方寺十三

先儒有相表裏者歟遂書以昭魯君曾  
君則諸爰慶地於縣治節孝祠之背以類從也  
習役者祥符令張君淑載陝西進士例書

尹會一又碑記云余既踵李空同之後而紀太  
烈女事矣踰年祥符張令復以烈女張雪姐事  
告余益竒之張雪姐者未婚而殉夫者也張令  
之言曰歲之五月某同陳留王令循行察田剛  
暮宿掃頭集與王令聯床簀某夢一女子約年  
十七八面黝而瘠衣布衣藍色手執高粮秸離

祥符縣志

卷八

祠祀  
祠廟

字

披冉冉至前某驚問答曰余冬天人也公正人  
願洗余身某不審所謂遂叱之曰此莫非瘋顛  
女子乎女然其言而去寤以告王令王令曰得  
母如古洗冤女子事耶旋辨色啟行至王虛集  
見有烏頭綽楔表曰烈女張雪姐之坊某心動  
思雪非冬日有乎亟召里老詢之則曰烈女早  
喪父事母孝已字邑民田登路未娶以心候天  
母復字楊氏女泣不從遂自經死於雍正十一  
年旌其門今其母亦亡居尚在也某因字

鍵戶無守舍者麥而入則滿屋皆高粮秸離披  
堆積中有木主卽爲烈女矣某乃大驚立命除  
去粮秸掃清塵埃廓如也令居人毋再汚烈女  
戴主所遂行以告王令王令亦大駭俄有鄉貢  
生張鐸來謁某見之重問烈女事貢生泣然曰  
此余族女弟父曰國璽廩生此女秉性勤淑矢  
志從壹死於雍正九年四月三十日年十八狀  
踴而瘞某問曰得非長若干尺衣藍色䟽布衣  
而死者耶貢生愕眙曰然公何以知之時王令

祥符縣志

卷八

祠祀  
祠廟

三

同閩斯語益大駭事屬節烈著斯靈竒敢敬以  
告余因喟曰甚矣貞烈之氣久而不滅也烈女  
廩生長農家耳乃能秉義捐軀如雪斯潔入令  
夢寐廩廩有生氣不亦竒邪抑亦令能以裸潛  
爲志而有幽異之感邪乃復從令之請入主烈  
女祠并書其緣起而系之以詞曰烈女六續而  
七謂王烈婦未踰年又得一屏高粮兮薦蘭菊令爲  
洗之光奕奕紛迤退兮靈之弔雪兮雪兮冬之  
日深園一賦兮神所宅後之君子視刻石

節孝祠在延慶觀西祀明鞏氏王氏路氏趙氏  
氏史氏劉氏 國朝王氏陳氏楊氏李氏邵氏  
李氏薛氏朱氏張氏王氏張氏高氏劉氏曹氏  
俱現在有位雍正元年建五年修

本縣建設專屬本府祠廟列左

府 文廟在布政司後街傍附考棚俗名黑學  
府城隍廟在城隍廟街

以上例詳府志

祥符縣志

卷八 祠祀 祠廟

七